

**CONVENIO DE COOPERACIÓN EDUCATIVA ENTRE O INSTITUTO GALEGO DE ESTATÍSTICA
E A UNIVERSIDADE DE VIGO PARA REALIZAR PRÁCTICAS ACADÉMICAS EXTERNAS****REÚNENSE:**

Dunha parte, Manuel Joaquín Reigosa Roger, Reitor da Universidade de Vigo (UVIGO), nomeado segundo o Decreto 59/2018, do 31 de maio, publicado no Diario Oficial de Galicia (DOG) núm. 109, do 8 de xuño de 2018, de acordo coas competencias que lle outorgan o artigo 20 da Lei orgánica 6/2001, do 21 de decembro, de universidades, e o artigo 29 dos Estatutos da UVIGO, aprobados por Decreto 13/2019, do 24 de xaneiro, e publicados no DOG núm. 38, do 22 de febreiro de 2019. Con enderezo no Edificio Exeria, campus universitario, 36310 Vigo.

E doutra, José Antonio Campo Andión, Director do Instituto Galego de Estatística (IGE), nomeado segundo o Decreto 295/2009, do 14 de maio, publicado no DOG núm. 94, do 15 de maio de 2009, de acordo coas competencias que lle outorgan o artigo 41 da Lei 9/1988, do 19 de xullo, de estatística de Galicia, e o artigo 15 do Estatuto do IGE, aprobado por Decreto 60/2016, do 26 de maio, e publicado no DOG núm. 108, do 8 de xuño de 2016. Con enderezo no Complexo administrativo de San Lázaro, 15703 Santiago de Compostela.

Ambas as partes teñen plena capacidade para levar adiante o presente convenio de cooperación educativa e

EXPOÑEN:

- 1** Que ambas as entidades están interesadas en contribuír á preparación do alumnado para o exercicio profesional nas áreas operativas relacionadas coa súa formación universitaria e facilitarlle a futura incorporación ao traballo dentro da sociedade.
- 2** Que entre as tarefas encomendadas ao IGE nos plans anuais de actuación contemplados no seu Estatuto figuran, dentro do apartado de cursos, seminarios e outras actividades formativas, as prácticas do alumnado universitario. Todo iso en coherencia coa Lei 9/1988, do 19 de xullo, de estatística de Galicia e como actuacións complementarias das reguladas na Lei 15/2016, do 28 de xullo, do Plan galego de estatística 2017-2021.
- 3** Con este fin, acordan establecer un convenio de cooperación educativa sometido ás seguintes

CLÁUSULAS:**PRIMEIRA**

O obxecto deste convenio é regular un programa de prácticas académicas externas entre a UVIGO e o IGE para contribuír á preparación do alumnado para o exercicio profesional nas áreas operativas relacionadas coa súa formación universitaria e facilitarlle as posibles saídas profesionais desde os estudos cursados na UVIGO. Así, promoveranse o desenvolvemento profesional e o acceso ao mercado laboral das futuras persoas con titulación universitaria.

SEGUNDA

Polo carácter formativo das prácticas académicas externas, da súa realización non se derivarán en ningún caso obrigas propias dunha relación laboral, nin o seu contido poderá dar lugar á substitución da prestación laboral propia dos postos de traballo do IGE.

TERCEIRA

A UVIGO axustarase á normativa aprobada para tramitar, xestionar e difundir as prácticas académicas externas. De acordo con ela, a UVIGO poderá delegar nunha entidade xestora a execución de prácticas externas extracurriculares, polo que, en virtude do convenio asinado para tal efecto entre a UVIGO e a Fundación Universidade de Vigo (FUVI), a tramitación, xestión e difusión das prácticas externas extracurriculares será responsabilidade da FUVI.

CUARTA

1 Poden realizar prácticas académicas externas:

- a) O alumnado matriculado en calquera ensinanza impartida pola UVIGO ou polos centros adscritos a ela.
- b) O alumnado doutras universidades españolas ou estranxeiras que, por razón de programas de mobilidade académica ou de convenios establecidos, se atope cursando estudos na UVIGO ou nos centros adscritos a ela.

2 Para realizar as prácticas externas, o alumnado deberá cumprir, cando proceda, os seguintes requisitos:

- a) Estar matriculado no ensino universitario ao que se vinculan as competencias básicas, xenéricas e/ou específicas que adquirirá realizando as prácticas.
- b) No caso de prácticas externas curriculares, estar matriculado na materia vinculada, segundo o plan de estudos do que se trate.
- c) Non manter ningunha relación contractual co IGE.

3 A UVIGO, ou entidade xestora, realizará unha convocatoria pública nos centros universitarios afectados, na que se indicarán o número de alumnos/as de prácticas e as condicións das prácticas académicas externas, garantindo os principios de transparencia, publicidade e igualdade de oportunidades.

4 O IGE acollerá un alumno/a por cada convocatoria que faga a universidade.

QUINTA

O programa de prácticas académicas desenvolverase conforme aos seguintes termos:

- 1.** A duración das externas curriculares será a que se estableza no plan de estudos correspondente, segundo o artigo 12.6 do Real Decreto 1393/2007, do 29 de outubro.
- 2.** A duración das externas extracurriculares axustarase á normativa complementaria desenvolvida pola UVIGO.
- 3.** O estudante contará cunha persoa titora do IGE e con outra da UVIGO.

4. O horario das prácticas procurará adaptarse aos horarios lectivos. En particular, o estudante terá dereito a realizar as probas de avaliación dos estudos nos que se matriculara e o IGE queda obrigado a conceder os correspondentes permisos.
5. O proxecto formativo no que se concreta a realización de cada práctica fixará os obxectivos educativos e as actividades a desenvolver.
6. Dereitos e deberes da persoa titora do IGE

A persoa designada polo IGE como titora terá os seguintes dereitos:

- a) Recoñecemento da súa actividade colaboradora por parte da UVIGO, en función dos termos establecidos por esta.
- b) Recibir información da normativa que regula as prácticas externas, do proxecto formativo e das condicións para o seu desenvolvemento.
- c) Acceso á UVIGO para cumprir os fins propios da súa función.

Así mesmo, terá os seguintes deberes:

- a) Acoller ao estudante e organizar as actividades a desenvolver con arranxo ao proxecto formativo.
- b) Supervisar as actividades do estudante e orientar e controlar o desenvolvemento da práctica cunha relación baseada no respecto mutuo e no compromiso coa aprendizaxe.
- c) Informar ao estudante da organización e funcionamento do IGE e da normativa de interese, especialmente da relativa á seguridade e riscos laborais.
- d) Coordinar coa persoa titora académica da UVIGO o desenvolvemento das actividades establecidas, incluíndo as modificacións do plan formativo que poidan ser necesarias para o normal desenvolvemento das prácticas, así como comunicar e resolver as incidencias que puidesen xurdir e controlar os permisos para realizar exames.
- e) Proporcionar ao estudante a formación complementaria que precise para as prácticas.
- f) Proporcionar ao estudante os medios materiais indispensables para as prácticas.
- g) Facilitar e estimular a achega de propostas de innovación, mellora e emprendemento por parte do estudante.
- h) Facilitar á persoa titora académica da UVIGO o acceso ao IGE para cumprir os fins propios da súa función.
- i) Gardar confidencialidade en relación con calquera información que coñeza do estudante como consecuencia da súa actividade titorial.
- k) Prestar axuda ao estudante durante a súa estadía no IGE, para resolver as cuestións de carácter profesional que poidan xurdir.
- l) Emitir un informe final que remitirá á persoa titora académica da UVIGO ao remate

das prácticas, no que se recollerá o número de horas realizadas polo estudante e se poderán valorar os seguintes aspectos referidos, no seu caso, tanto ás competencias xenéricas como ás específicas previstas no correspondente proxecto formativo:

- I.1) Capacidade técnica.
- I.2) Capacidade de aprendizaxe.
- I.3) Administración de traballos.
- I.4) Habilidades de comunicación oral e escrita. Se o estudante con discapacidade ten dificultades de expresión oral, deberá indicarse o grado de autonomía relacionado con esta habilidade e, se for necesario, empregar algún tipo de recurso técnico e/ou humano para a mesma.
- I.5) Sentido da responsabilidade.
- I.6) Facilidade de adaptación.
- I.7) Creatividade e iniciativa.
- I.8) Implicación persoal.
- I.9) Motivación.
- I.10) Receptividade ás críticas.
- I.11) Puntualidade.
- I.12) Relacións coa súa contorna laboral.
- I.13) Capacidade de traballo en equipo.
- I.14) Aqueloutros aspectos que se consideren oportunos.

7. Dereitos e deberes da persoa titora académica da UVIGO

A persoa designada pola UVIGO como titora académica terá os seguintes dereitos:

- a) Recoñecemento efectivo da súa actividade académica nos termos que estableza a UVIGO, de acordo coa súa normativa interna.
- b) Recibir información da normativa que regula as prácticas externas e das condicións baixo as que se desenvolverá a estadía do estudante a tutelar.
- c) Acceder ao IGE para cumprir os fins propios da súa función.

Así mesmo, terá os seguintes deberes:

- a) Velar polo normal desenvolvemento do proxecto formativo, garantindo a compatibilidade do horario das prácticas coas obrigas académicas, formativas, de representación e de participación do estudante.
- b) Facer un seguimento efectivo das prácticas, coordinándose coa persoa designada como titora polo IGE e vistos, no seu caso, os informes de seguimento.
- c) Autorizar as modificacións que se produzan no proxecto formativo.

- d) Avaliar as prácticas do alumnado tutelado, de acordo cos procedementos que establece a UVIGO, cumprimentando o correspondente informe.
- e) Gardar confidencialidade en relación con calquera información que coñeza como consecuencia da súa actividade tutorial.
- f) Informar ao órgano responsable das prácticas externas na UVIGO das posibles incidencias xurdidas.
- g) Supervisar e, no seu caso, solicitar a disposición dos recursos de apoio necesarios para asegurar que o alumnado con discapacidade realice as prácticas en condicións de igualdade de oportunidades, non discriminación e accesibilidade universal.

8. Dereitos e deberes do alumnado en prácticas.

Durante a realización das prácticas o estudante terá os seguintes dereitos:

- a) A ser tutelado por unha persoa profesora da UVIGO e por outra que preste servizos no IGE.
- b) A ser avaliado de acordo cos criterios establecidos pola UVIGO.
- c) A obter un informe do IGE con mención expresa das actividades desenvolvidas, da súa duración e do seu rendemento.
- d) A recibir do IGE información sobre a normativa de seguridade e prevención de riscos laborais.
- e) A realizar as súas actividades académicas, formativas, de representación e de participación, comunicándollo ao IGE coa suficiente antelación.
- f) O estudante con discapacidade disporá dos recursos necesarios para acceder en igualdade de condicións á tutela, á información, á avaliación e ao desempeño das prácticas, e poderá conciliar a realización das mesmas coas actividades e situacións persoais derivadas ou conectadas coa súa condición.
- g) Aquel outros, no seu caso, previstos na normativa da UVIGO.

Así mesmo, durante a realización das prácticas o estudante terá os seguintes deberes:

- a) Cumprir a normativa vixente sobre prácticas externas establecida pola UVIGO.
- b) Coñecer e cumprir o proxecto formativo das prácticas, seguindo as indicacións da persoa titora designada polo IGE e baixo a supervisión da persoa titora académica da UVIGO.
- c) Manter contacto durante o período das prácticas coa persoa designada pola UVIGO como titora académica, comunicar calquera incidencia que poida xurdir e entregar a memoria final e os documentos que lle sexan requiridos.
- d) Incorporarse ao IGE na data acordada, cumprir o horario previsto no proxecto educativo e respectar as normas de funcionamento, seguridade e prevención de riscos laborais do IGE.
- e) Desenvolver o proxecto formativo e cumprir con dilixencia as actividades acordadas

co IGE conforme ás liñas establecidas no mesmo.

- f) Elaborar a memoria final das prácticas, na que figurarán, entre outros, os seguintes aspectos: datos persoais; descrición detallada das tarefas e traballos desenvolvidos e dos departamentos do IGE aos que se lle asignou; valoración dos coñecementos e competencias adquiridos en relación cos estudos universitarios; relación dos problemas suscitados e dos procedementos seguidos para a súa resolución; identificación das achegas en materia de aprendizaxe; avaliación das prácticas e suxestións de melloras.
 - g) Gardar confidencialidade e respectar o segredo estatístico en relación coa información manexada na súa estadía no IGE e finalizada esta. O estudante comprométese a coñecer e aceptar as directrices establecidas polo IGE dentro da súa política de seguridade, ademais da normativa xeral en materia de protección de datos e de segredo estatístico.
 - h) Mostrar sempre unha actitude respectuosa co IGE, salvagardando o bo nome da universidade á que pertence.
- 9.** Rematadas as prácticas, o IGE e a UVIGO entregaranlle a cada estudante un certificado que conterá, como mínimo, a seguinte información:
- a) Titular do documento.
 - b) Descrición das prácticas, especificando duración e datas de realización.
 - c) Actividades realizadas.
- 10.** A persoa titora do IGE poderá recibir o recoñecemento da UVIGO polo labor realizado.
- 11.** Para manter o rexistro de estudantes participantes neste convenio, a UVIGO poderá solicitar ao IGE información sobre as altas e baixas que se produzan. Con cada alta indicaranse as datas de inicio e final das prácticas, o lugar de desenvolvemento e o seu contido.

SEXTA

O período de prácticas non constituirá, baixo ningún concepto, unha relación laboral entre o estudante e o IGE. Non se poderá formalizar un contrato de traballo entre ambos mentres non finalicen as prácticas.

SÉTIMA

Por Resolución da Dirección Xeral de Ordenación da Seguridade Social, do 25 de marzo de 1999, as prácticas no IGE estarán cubertas polo seguro escolar.

Os riscos de enfermidade ou accidente dos estudantes menores de vinte e oito anos estarán cubertos polo correspondente seguro escolar. Os maiores de vinte e oito anos formalizarán obrigatoriamente un seguro específico ao seu cargo no momento de formalizar a matrícula.

A UVIGO ten subscritos, ademais, un seguro de responsabilidade civil e outro de accidentes, complementarios ao seguro escolar.

OITAVA

As partes comprométese a cumprir o disposto na Lei Orgánica 3/2018, do 5 de decembro, de protección de datos persoais e garantía dos dereitos dixitais, que supón adaptar a normativa española ao Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos, e polo que se derroga a Directiva 95/46/CE (Regulamento xeral de protección de datos).

O estudante en prácticas que teña acceso en calquera fase do tratamento a datos de carácter persoal non revelará a persoa allea ao IGE información da que tivera coñecemento, nin utilizará ou disporá dela dun xeito ou con finalidades distintas ás esixidas polas accións formativas, obrigas que subsistirán logo de rematadas as mesmas, respondendo en caso de incumprimento do deber de segredo fronte ao IGE, sen prexuízo das responsabilidades que por igual causa se puideran derivar perante a Axencia Española de Protección de Datos.

A tal efecto o estudante asinará un documento no que se obrigue a cumprir o deber de segredo estatístico regulado na Lei 9/1988, do 19 de xullo, de estatística de Galicia.

NOVENA

A sinatura deste convenio leva implícito o consentimento expreso das persoas intervinientes para que a Administración pública autonómica galega poida facer públicos os datos de carácter persoal e calquera outras especificacións que figuren nel, de acordo co disposto na Lei 19/2013, do 9 de decembro, de transparencia, acceso á información pública e bo goberno, e na Lei galega 1/2016, do 18 de xaneiro, de transparencia e bo goberno.

O presente convenio será inscrito no rexistro de Convenios da Xunta de Galicia, nos termos previstos no Decreto 126/2006, do 20 de xullo.

DÉCIMA

Créase unha comisión paritaria de seguimento do convenio integrada por:

- En representación da UVIGO, a persoa titular da Vicerreitoría de Captación de Alumnado, Estudiantes e Extensión Universitaria, ou persoa na quen delegue.
- En representación do IGE, a persoa titular da Secretaría Xeral, ou persoa na quen delegue.

Esta comisión resolverá os problemas que se susciten na execución do convenio, garantirá o desenvolvemento normal dos compromisos asumidos e proporalle ao IGE e a UVIGO xeitos de aumentar a súa eficacia. A comisión reunirse cando o considere oportuno algunha das partes.

DÉCIMO PRIMEIRA

1. Este convenio empezará a producir efectos a partir do día seguinte á sinatura, subsidiariamente, en caso de que a sinatura foxe dixitalizada e non coincidisen as datas

da sinatura das partes, tomarase como data de referencia a da derradeira sinatura. O convenio terá unha vixencia de catro anos.

No entanto, antes de rematar o prazo previsto e se as circunstancias o aconsellan, as partes poderán acordar por unanimidade a súa prórroga polo período estritamente necesario e sempre dentro do límite máximo de catro anos adicionais establecido na Lei 40/2015, de 1 de outubro, de réxime xurídico do sector público.

2. Son causas de resolución do convenio o/a:
 - a) Transcurso do prazo de vixencia sen que se acordase a súa prórroga.
 - b) Transcurso do prazo máximo de vixencia, incluído o período de prórroga establecido.
 - c) Acordo unánime dos asinantes.
 - d) Incumprimento das obrigas e compromisos asumidos por algunha das partes.
 - e) Decisión xudicial declaratoria da súa nulidade.
 - f) Calquera causa contemplada na normativa da universidade sobre prácticas externas.
3. Se no momento da resolución o estudante estivese a realizar as prácticas, continuaraas ata o remate das mesmas.

DÉCIMO SEGUNDA

1. O IGE e a UVIGO comprométense a resolver de xeito amigable calquera desacordo que poida xurdir no desenvolvemento do convenio.
2. As cuestións litixiosas sobre interpretación, modificación, resolución e efectos do convenio serán resoltas, en primeira instancia, pola comisión paritaria. As que non poida resolver dita comisión someteranse á resolución da xurisdición contencioso-administrativa.

E, como proba de conformidade, as partes comparecentes asinan o presente convenio na data da última sinatura electrónica.

O Reitor da Universidade de Vigo

O Director do Instituto Galego de Estatística

Manuel Joaquín Reigosa Roger

José Antonio Campo Andión